



UNIVERSITÄTS-
BIBLIOTHEK
PADERBORN

Theologia Polemica

Burghaber, Adam

Fribvrgi Helvetiorvm, 1678

VIII. An Christus, quà Deus, sit Filius Dei?

[urn:nbn:de:hbz:466:1-72462](#)

CONTROVERSIA VIII.
AN CHRISTUS, QUIA DEUS,
sit Filius Dei.

SI D Athanasius in Epist. decretis Nicene Synodi advertit, in Sac. Scriptura duplarem Naturam Filij significacione innui; unam secundum Adoptionem, ut cum dicitur Joan. i. v. 12. *Dedit eis potestatem filios Dei fieri*: alteram secundum Naturam, ut cum Isaac, Abraham, Jacob filius Isaci, & decineceps patriarcha Filii Jacobi appellantur. Ad filium priori modo sumptum non requiritur, ut sit ejusdem Naturae cum eo, cuius dicitur Filius: at bene ad filiam posteriori modo acceptum, & de tali queritur, utrum Deus etiam habeat Filium Naturalem substantialiter ex se genitum?

PARS PRIOR.

DOCTRINAE CATHO.
LICÆ.

I. Doctrina prima. Christus, quia Deus, est verus & naturalis Filius Dei Patris. Ita docet S. Catholica Ecclesia in omnibus Symbolis, praesertim Niceno ajeans: *Credo in unum Dominum Iesum Christum, Filium Dei Unigenitum, & ex Patre natum ante omnia factum, Deum de Deo, Lumen de Lumine, Deum verum de Deo vero, genitum non factum, consubstantiale Patri, per quem omnia facta sunt*. Probatur 1. ex Sac. Scriptura sequentibus Testimoniois 1. est ipius Patris Math. 3. v. 17. *Hic est Filius meus dilectus, in quo mihi complacui*. 2. Ipsi filij Joan. 3. v. 16. *Sic Deus dilexit mundum, ut filium suum Unigenitum daret, ut omnis, qui credit in illum, non peccaret*. Filius enim hic loquitur: ut Tertul. etiam Libro contra Praxeam intelligit. 3. est Spiritus Sancti Math. 3. qui apparitione sua in specie columba v. 16. vocem illam Patris de Filio confirmavit. 4. est Angeli Luc. 1. v. 35. *vocabitur filius Dei*. 5. est Apostoli Petri Math. 16. v. 16. *Tu es Christus filius Dei vivi*. 6. est Apostoli Joannis cap. 1. v. 14. & vidimus gloriam eius gloriam quasi unigeniti a Patre plenum gratiae & veritatis. 7. est ejusdem Evangelistæ cap. 1. v. 18. *unigenitus, qui est a Patre, ipse enarravit*. 8. Apostoli Pauli ad Gal. 4. v. 8. misit Deus filium suum factum ex Muliere factum sub lege, ut eos qui sub lege erant, redimeret, & adoptionem filiorum recuperemus. 9. est ejusdem ad Hebreos 1. v. 3. qui cum sit splendor Patris & figura substantiae eius. 10. ejusdem ibidem v. 5. cui enim aliquando Angelorum dixit: *Filius meus es tu. Ego hodie genui te*. 11. ejusdem ad Rom. 8. v. 32. qui proprio Filio suo non peperit. 12. denique Davidis Regis Psal. 109. v. 2. ex utero ante Luciferum genui te. Hisce aliquisque luculentis Sac. Scripturæ testimonij significari, Christum verum esse Dei Filium per Naturam, non solum per adoptionem, sicut cæteri homines & Angeli, nemo nisi excutâ omni fronte inficias ibit. Tum quia dicitur unigenitus. Tum quia excellentiori modo Filius est, ut contendit Apostolus ad Hebreos. Tum quia Filius est ex utero.

non gratia. Tum quia ante luciferum, hoc est ab æterno ante omnes creaturas est genitus. Tum quia ita est genitus, ut maneat in sinu Patris. Tum quia Filius Dei vivi & altissimi, atque eiusmodi appellatur. Tum denique quia per illum alij adoptionem Filiorum obtinent, ut dicitur ad Gal. 4. citato, atque adeo filiationis Nomen, & rationem ab eis filiatione participant.

II. Probatur 2. ex Patribus, qui in hac doctrina & expositione adductorum locorum Scripturaræ confirant, ac videri apud alios possunt. Sufficiat hic unus D. Athanasius qui 2. Sermone contra Arianos super illo versu 8. Psal. 44. *Dellexisti iustitiam, & odisti iniquitatem pre participatoribus tuis*, ita scribit: *Videte Ariani, & saltem hinc cognoscite, i. participatores Domini ceteros omnes Psalmistam appellasse; si enim unus ex non-entibus creatus fuisset, fuisset & ipse ex ipsis participatoribus*. Atquæ cum eum in Deum aeternum suo hymno celebrari Psalmista, inquiens: *Thronus tuus Deus in saculum sanctum &c.* & reliqua omnia ex eo partes capere declarant, quid aliud intelligendum, quam alium illum esse a rebus creatis, ubi S. Pater supponens agi in illo Psal. de filio Dei naturali, ut aperte habetur v. 3. *Speciosus formâ pre filii hominum, inde ejus infert Deitatem*, quam consequentiam, ait Sermone 3. contra coldem Arianos, nec diabolus ipse negare potest.

III. Probatur 3. Ratione. Generatio proprie dicta definitur à Théologis & Philosophis communiter: *productio naturalis viventia à vivente in similitudinem nature mediante principio conjuncto*. Atquæ origo seu productio Christi, quia Dei. Primo est naturalis, quia est actus intellectus, seu cogitatus; sicut enim humanus intellectus cogitando producit vivam imaginem objecti cogniti, quam philosophi appellant speciem expressam, & verbum mentis, quo cogitans sibi ipsis quasi loquitur, ita Deus de se ipso cogitando genuit vivam sui Imaginem, quia propterea vocatur Verbum Patris, prout graphicè descripsit Joannes cap. 1. v. 1. *In principio erat Verbum, & verbum erat apud Deum, & Deus erat Verbum, hoc erat in principio apud Deum, &c.* Secundo viventia à vivente, quia est actus vitalis, quod spectant illa Christi Verba Joani. 5. v. 26. *Sicut enim Pater habet vitam in semetipso, sic dedit & Filio habere vitam in semetipso*. Nam Pater communicando Filio suam Essentiam, dedit illi hoc ipso vitam habere in semetipso, tanquam primo & pleno fonte, ex quo omnis vita emanat ad alios, & quidem independenter ab omni alio, ut ajunt Cyriillus, Chrysostomus, Augustinus & alij. Tertio in similitudinem Naturæ non tantum specificæ, sed etiam numericae; unde Christus Joani. 10. v. 30. *Ego, inquit, & Pater unus sumus*; ubi per unum designatur identitas Essentia, & omnium proprietatum Essentialium: per sumus distinctio personarum, & proprietatum Personalium; hoc Sabellio: illud Arius adversatur, ut notant S. Hilarius lib. 7. de Trinit. August. Tract. 48. & alij PP.

IV. Cæterum Essentiam & Naturam divinam à parte rei constituit ultimò per actualē Intellectionem, teste Ariagâ 1. P. D. 47. Sect. 8. docent communiter Thomistæ & Patres Societatis nostræ moti auctoritate SS. Patrum, quorum testimonia copiose adducunt. Unus nobis sufficiat S. August. qui lib. 15. de Trinit. cap. 7. ait: *Hoc Deo est Esse, quod sapere: & ea est illi Essentia, quæ Sapientia; quæ verba observans D. Thom. 1. P.Q. 27.*

Art. 4.

Art. 2. docet, in rem praesentem, Processionem Verbi veram esse generationem, quia talis Filius accipit Naturam Patris, hoc est, Intelligere, quod ait, in Deo idem est ac esse sua Essentia. Quartum. Origo Christi, quia Dei, est a principio coniunctio, quia est de substantia Patris, quod iste indicat Psal. 109. v. 3. aiens. ex utero ante luciferum genui te. Et ipse Filius Joan. 10. v. 29. dicens: Pater meus, quod aedit mihi, maior omnibus est. Unde in Symbolo Niceno dicitur: Deus de Deo, & in Toletano III. Quicunq; negaverit Filium Dei de Paterna substanciali fine initio genitum, consubstantialem Patri, Anathema sit. Ergo cum omnia ad veram generationem requisita convenient Christo, quia Deo, liquide constat, quod iste sit verus ac Naturalis Dei Filius.

V. Hinc apparet Generationem divinam multum differe a generatione humana. Nam 1. Generatio humana carnalis est: Divina Spiritualis: quia Spiritus est Deus; juxta illud Joan. 4. v. 54. & ideo non potest, nisi spirituali modo gignere Filium; unde in Psal. 109. citato ex utero sumitur metaphorice pro interna Essentia & Substantia. 2. Generatio humana consistit non propriam, sed aliam similem naturam: At Divina communicat eandem numero. 3. Generatio humana facit Patrem priorem, & leniorem Filio: at Divina nec prioritate naturae facit Patrem seniorem Filio, sed solum origine; quia instantia naturae designant causalitatem: Filius autem non est causatus a Patre, cum sit unus idemque Deus cum Patre; idem autem a se ipso non potest causari, nec se ipso natura prius esse, cum sit una eademque natura. 4. Generatio humana facit Patrem dignorem Filio, ut ille in hunc potestatem ac dominium habeat: At Divina fecus; unde Athanasius in Symbolo Patris, & Filii, & Spiritu Sancti equalis est gloria, cetera maiestas &c. ubi etiam explicatur illud dictum Christi Joan. 14. v. 28. Pater major me est: equalis Patri secundum divinitatem, minor Patre secundum humanitatem; causa vero hujus aequalitatis inter Patrem & Filium est, quod Pater non generat Filium libero & gratuito beneficio, sed naturali necessitate, ut non potuerit non generare, ideoque nullo titulo illum habeat sibi subiectum. 5. generatio humana potest esse plurimum filiorum: at Divina unius solum juxta Symbolum Athanasij, unus Pater, unus Filius, &c. unde in Script. vocatur Unigenitus. 6. Quod generatio Divina fiat absque mutatione: fecus humana, quod ex dictis patet.

VI. Sed restat quæstio, cur Processio Spiritus Sancti non sit Generatio? Nam quemadmodum est de fide certum, & definitum in Concilio Toletano sub Leone I. & in Symbolis Athanasiano & Niceno, Spiritum Sanctum procedere, non generari, ita difficile est, solidam hujus dare rationem & disparitatem, cur scil. Processio Filij vera sit Generatio, non Spiritus Sancti? imo prope inexplicabile id essent Patres, præsertim Damas. lib. i. cap. 16. & Augustinus lib. 15. de Trinit. cap. 27. Nihilominus cum debita humilitate & subjectione ad S. Romanam Ecclesiam inter diversa Doctorum placita. Sit

VII. Doctrina secunda. Christus quia Deus seu Verbum, procedit ut simile Patri in Natura, adeoque vere generatur, & est Filius: non autem Spiritus Sanctus; quia Verbum divinum formaliter, vi suæ Processionis accipit ipsam Naturam Patris, quod est Intelligere: Spiritus autem

Sanctus formaliter, & vi suæ Processionis accipit tantum Velle divinum, Essentiam seu Naturam materialiter & concomitantem. Ita D. Thomas Q. 27. cit. P. 1. Fasolus in 1. P. D. Thomas Q. 14. art. 2. Ariaga in 1. P. Disp. 47. Sect. 7. cit. & pluri-mi alii. Nam ab utroque Concilio Niceno, item a Toletano, & a S. Augustino lib. 7. de Trinit. c. 2. Verbum divinum dicitur Deus de Deo, Essentia de Essentia: Spiritus S. autem dicitur ab iisdem Voluntas de Voluntate. Ergo sicut ista concilia ideo Spiritum Sanctum vocant Voluntatem de Voluntate, quia procedit per Voluntatem, eique immediate, & vi suæ processionis formaliter communicatur Velle Divinum, ita etiam Verbum di-vinum dicitur Deus de Deo, Essentia de Essentia; quia vi suæ processionis procedit per Deitatem & Essentiam divinam, eique communicatur Deitas & Essentia Divina; unde sic argumentari licet.

VIII. Illud verissimum generatur, quod vi suæ processionis & tendentiae, seu primariæ intentione Operantis accipit Naturam Patris. Cur enim Petrus est filius Ioannis, & non Vermis, vel aliud animalculum ex eodem enascens? Certe non aliud ob causam, quam quod ille vi suæ actionis accipiat naturam Joannis, non istud animalculum. Similiter Eva ex costa Adami formata non est ejus filia, nec ab ipso genita; licet in natura similis Adamo. Cur? quia deciso coste perse, & ex vi suâ non tendebat aud formandum hominem, sed ex mera Dei voluntate. Atqui Christus, quia Deus, vi suæ Processionis ab aeterno Patre, & vi tendentiae seu ex primariæ intentione operantis accipit Naturam Patris, scilicet Intelligere actuale: non Spiritus Sanctus, qui accipit solum Velle; Voluntas autem ex suâ natura non est assimilativa, nec objecti similitudinem exprimit, sicut Intellexus, sed tantum fertur in objectum, & cupit ei se conjungere v. g. qui amat pecuniam, non vult pecuniam sibi similem reddere, sed eam acquirere ac possidere. Ergo Verbum Divinum propriè est Filius & generatur: non Spiritus Sanctus.

IX. Dicent. Spiritus Sanctus est formaliter & per se Deus, & quidem ab alio. Respon. ad hoc sufficere, ut habeat veram Deitatem ab alio communicatam, etiamsi haec ei non primariò, sed secundariò duntaxat intendatur. Urgent. Spiritus S. procedit primariò, & per se, ut Deus, quia procedit, ut Persona, seu Suppositum divinum. Ergo primariò accipit Deitatem. Respon. negando Antecedens cum sua probatione. Quia Spiritus S. primariò neque ut Deus, neque ut persona procedit, sed pure, ut Amor subsistens, quem unum ille secundum formale importat; licet secundum materiale & completum esse Spiritus Sanctus Naturam quoque, & alia Attributa involuat, perinde ut Filius secundum formale solum Naturam subsistentem dicit; secundum materiale autem & completum tam Naturam quam Attributa. Sed de hoc plura Scholastici.



PARS POSTERIOR.

ERRORES HAERETI
CORRU M.

X. **E**rro primus. Est Antiquorum hæretorum in fine prioris Controversie adductorum, qui, cum negant Christum esse DEUM, consequenter negant eundem esse Filium DEI Naturalem. Cerinthus & Ebion dixerunt, Christum fuisse Josephi & Mariae filium, ut testantur Ireneus lib. I. cap. 25. & 26. Tertullianus de carne Christi, & alij Patres. Michael Servetus novorum Samofetanorum Auctor (qui anno 1555. Geneva fuit combustus) docuit, Christum aliquā alia naturā non fuisse præditum, nisi humanā, idēque esse, ac dici Filium Dei tantummodo Adoptione & sanctificatione singulari Naturæ suæ humanæ. Valentinus Gentilis Natione Italus, Patria Constantinus post hæresin suam in Gallia, Germania, & Polonia sparsus Bernæ supplicio capitali affectus concessit quidem, Christum esse Filium DEI, sed Patri non aequalem, quae est universim Recentiorum Arianorum opinio. Nostrates hæretici concedunt, Christum & Deum, & Dei Filium esse. Rectè. Sed mirum sane, cum Scriptura, cui unicè adharent, & quam manibus semper terunt, nō paucos locos vel ut scopolos porrigat, ad quos alij ob illorum difficultatem impingendem naufragium fidei fecerunt. Videamus nonnullos, simulque eorum solutione Catholicam doctrinam contra rejectum supra errorem stabiliamus. Itaq;

XI. **P**rimus. Proverb. 8. v. 22. dicitur de Filio: *Dominus creavit me in initio viarum suarum.* Ergo Filius est Creatura, & opus quoddam factum, ut teste Gregorio Naziah. Oration. 3. de Theolog. Aiani assidue obiecabant. Respond. cum D. Athanasio Serm. 3. contra Arian. Basilio lib. 4. contra Eunon. & alij PP. hæc & similia loca plura intelligenda esse de Filio secundum Humanitatem assumptam; Etenim secundum hanc creatus est, ut daret initium divino operi Redemptionis & Reparationis generis humani. Non obstat Verbum illud præteriti temporis *creavit*, quæ enim de futuro in Scriptura dicuntur, solent verbo præteriti temporis significari, ut judicent tam certa esse, ac si jam accidissent, ut illud Psal. 21. v. 17. *Foderunt manus meas, & pedes meos.* Alias interpretationes de æterna Generatione Filij vide apud Scripturistas.

XII. **S**econdus. Psal. 2. v. 17. *Dominus dixit ad me, Filius meus es tu, Ego hodie genui te.* Si eo die, quo scriptus est hic Psalmus, primum genitus est Christus, tum non fuit ab æterno. Ergo nec Deus, nec filius DEI. David enim ferè 3000. anno post conditum orbem vixit. Respon. Davidem non dicere, quod Filius DEI primum hodie sit natus, sed quod hodie natus, sicut de quolibet die dici potest, quod divina generatio sit æterna, & nunquam cesset: at humana factu formato definit. Adhac David per hodie non intellexit illum diem, quo hæc scribebat, sed alium, quem veluti præsentem intuebatur, scilicet diem Resurrectionis, ut exposuit D. Paulus Act. 12. v. 32. Deus adimplevit, resuscitans Jesum, sicut & in Psal. 2. scriptum est: *Filius meus es tu, Ego hodie genui te.* Dicitur autem illo die peculiariter genitus, quia

gloriosi Corporis splendore manifestata est ejas Divinitas, sicuti eo die dicitur factus Imperator, quo publicè coronatus est, licet prius electus. Vide Tirinum, in cit. Psal. ubi tò hodie ostendit à PPFumi pro momento æternitatis, pro die Nativitatis, & Resurrectionis; quia possunt unius & ejusdem loci Sac. Scripturæ plures sensus litterales esse à Spiritu S. immediate intenti, ut diximus supra.

XIII. **T**ertius. Christum in scriptura passim affirmari verum hominem: & hunc ipsum hominem adstrui Filium Dei. Ergo non naturā, sed adoptione & natura humanæ sanctificatione. Hoc argumentum Servetus in suis libris & dialogis de Trinit. singulis ferè paginis crepat, sicut etiam Franciscus David, & alij Servetiani. Respon. Naturā etiam Deum esse illum ipsum hominem, qui Christus est. Nam Hic est Deus noster, & non æstimabatur alijs adversus Eum; qui tamen postea in terris visus est, & cum hominibus conversatus est, Baruch. 3. v. 38. Hic est Verbum, quod erat in principio Deus apud Deum, qui idem caro factum est & habitav. in nobis. Joan. 1. v. 14. Hic vocabitur Emmanuel id est nobiscum Deus Isaiae 7. v. 14. Hic, Deo cum esset æqualis, formam servi accepit, & habitu inventus ut homo ad Philipp. 2. v. 3. Quare idem Filius DEI & homo Naturā est.

XIV. **Q**uartus. Filius genitus est à Patre. At qui non coacte, sed voluntate; quia hoc fuit multo præstabilius. Ergo potuit non digni, & consequenter nec verus Deus esse, nec Filius Dei naturalis, cum Deus sit Ens simpliciter necessarium. Ita urgebat Sophista Asterius Arianorum Patronus. Respon. cum D. Athanasio Serm. 4. contra Arianos, Patrem æternum neque coacte neque etiam voluntate liberā genuisse; sed, ut fertur hæc voluntas in objectum suum necessariò; quemadmodum etiam ipse Pater volens DEUS est, non coacte, neque etiam voluntate liberā, sed necessariā & naturā, ut tradunt Scholastici in materia de Sanctissima Trinitate.

XV. **Q**uintus. Joan. 1. v. 27. ait Joannes Baptista de Christo: *Ipsè est, qui post me venturus est, qui ante me factus est;* quod non potest intelligi de Humanitate, quia Christus quoad Humanitatem est post Joannem factus, ut Gabriel nunciavit Mariæ Luc. 1. v. 36. Ergo intelligendum de Divinitate, & consequenter non fuit verus Deus, nec filius DEI. Respon. Adverbium *Ante* non significare prioritatem temporis, sed præcedentiam dignitatis; Nam, ut notat Beda Græcum verbum *ante pōst* nunquam ordinem temporis, sed distantiam loci seu dignitatis significat. Participium *Factus* etiam non significat productionem, sed exaltationem, quasi diceret: longè mihi prælatus, & ad sublimiorem dignitatem effectus, quam ego; quod etiam de Humanitate intelligi potest. Ita exponunt S. Augustin. Chrysost. Theophilaç apud Tirinum & Maldonatum in v. 15. cit. capit. 15.

XVI. **S**extus. Joannis c. 1. v. 1. Christus vocatur Verbum Patris. Verbum autem non est substantia, sed Accidens: accidens verò non est DEUS, nec DEI filius, sicut nec verbum hominis seu mentale seu vocale dicitur ejus Filius. Respon. longè disparem esse rationem Verbi humani & Divini. Humanum est accidens: Divinum est substantia, quia Deus non est capax ullius accidentis; alioquin componeretur ex substantia & accidente

accidente, quod repugnat ejus simplicitati, cum sit Ens indivisibile, omnia in se continens, nec ad sui perfectionem indigat alterius entis accessum. Similiter Figura, Quae Heb. i. v. 3. tribuitur Christo, & idem significatur, quod Imago, non est in Deo accidens, sed substantia, quā Filius aequalis est Patri, ut supra diximus.

XVII. *Septimus.* Christus Dominus afferuit: *Beatus est dare, quām accipere,* ut de ipso attestatur Apost. Act. 20. v. 35. cuius ratio est, quia dignitatis & perfecti est dare: accipere vero indigenitus & imperfecti. Atqui Pater dat & Filius recipit. Nam dedit Pater Filio potentiam Matth. 18. v. 18. *Data est mihi omnis potestas &c.* Dedit vitam Joan. 5. v. 16. *Dedit ei vitam habere in semetipso.* Dedit sapientiam, ibidem v. 20. *Pater diligit Filium, & omnia demonstrat ei.* & Joan. 15. v. 15. *quacunque audiri à Patre meo, nota feci vobis.* Denique quidquid habet Filius, habet à Patre Math. II. v. 28. *Omnia mihi tradita sunt à Patre meo.* Ergo Christus non est Filius Dei Naturalis, non est Patri aequalis, & non est Unus cum eo Deus. Confirmatur Math. 20. v. 23. dicit Christus: *Sedere ad dextram meam, vel sinistram non est meum dare vobis, sed quibus paratum est à Patre meo.* Ergo Filius non habet omnia, quia habet Pater. Respon. tunc solum beatius esse dare, quām accipere, quando is, qui recipit, est in potentia ad recipiendum, ac proinde est indigens, ac imperfectus. At verò Filius Dei sic accepit vitam, ut tamen nunquam non fuerit vivens, sic accepit potentiam & sapientiam, ut nunquam fuerit infirmus & ignorans; quippe omnia hæc accepit nascendo; ab æterno autem & natus est, & perfectè natus est. Ita August. lib. 3. contra Maximin. c. 24. *Beatus est, inquit, dare quām accipere, sed in hac vita, ubi est inopia, quā utiq; melior est copia.* Vide eundem S. Patrem, & D. Chrysostom. in c. 5. Joan. ubi explicant, Patrem demonstrare Filio non docendo, sed gignendo; & Filiū audire à Patre non discendo, sed nascendo. Dicitur autem Pater demonstrare; & Filiū audire, quia Pater communicando Essentiam, communicat Scientiam. Ad Confirm. ex Math. 20. dicimus cum Hieron. Chrysostomo & Cyrillo lib. 10. Thesauri c. 15. Christum dicendo, non est meum dare, voluisse insinuare: non decet me dare vobis p̄t̄ alijs, quia justus sum, sed quibus à Patre meo jam paratum, decretum, & destinatum est, & consequenter etiam à me. Videri potest Tigrin. in cit. loc.

XVIII. *Octavus.* Denique in Symbolo Niceno dicitur Christus *Lumen de Lumine.* Atqui Lumen non est ejusdem naturæ cum Sole, vel Luna &c. unde procedit. Ergo nec Filius propriè dictus. Respon. Christum eodem sensu appellari Lumen, quo Pater Lumen est appellatus, scilicet non sensibile, sed spirituale consistens in sapientia & Sanitate, quibus excluduntur omnes tenebre, ignorantiae, & peccata, ut indicat S. Joann. Epist. 1. cap. 1. v. 5. *Deus Lux est, & tenebrae in eo non sunt illæ;* ubi per tenebras intelligit errores, & peccata, ut indicat v. 6. *Si dixerimus, quoniam societatem habemus cum eo, & in tenebris ambulamus (ide in peccatis & erroribus) mentimur, & veritatem non facimus.* Ad quam spiritualem Claritatem significandam Deus in veteri testamento nunquam sine sensibili lumine se conspicuum fecit.

XIX. Dicent, saltem Filiū esse portionem & derivationem de Lumine: Patrem verò totum substantiam Luminis, ut habet Tertullian. lib. 2. contra Hermogenem, qui teste Spondano anno Christi 170. Num. 4. Corpus Domini in Sole esse repositum finxit. Respon. nequaquam Filiū esse, seu habere tantum particulam Substantiæ de Patre, sed totam & eandem hujus substantiam, nec aliud per derivationem aut portionem totius indicari, quām originis ordinem, & Patrem esse fontem Deitatis, Filiū verò oriū à Patre; in quem sensum etiam intelligendus Tertull. contra Praxeam; & loco cit. contra Hermogenem, quando Filiū à Patre appellat secundum.

X X. Regula igitur omnium SS. Patrum verissima tenenda est, ut humiliora, quæ dicuntur in Scriptura de Christo, eidem adscribam secundum assumptam Humanitatem: alia verò, quæ Divinitatis propria sunt, tribuamus illi ipsi secundum Naturam divinam, in qua prius etiam quām caro fieret, erat Deus. Non obstat D. Hilary. lib. 9. de Trinit. ubi haec habet: *Sed solus Pater verus est Deus, Christo non reliquit, ut sit Deus; Ergo non, ut sit Filius Naturalis & aequalis in Natura.* Non obstat, inquam, quia solum referre vera Arianorum, quibus responderet, quod, licet solus Pater verus sit Deus, non tamen auferre Christo, ut etiam sit verus Deus, quia Pater & Filius est unus Deus. vel, ut D. Hieron. quia *Patris & Filij una est Divinitas.*

X XI. *Error secundus.* Christum esse Filiū DEI Adoptivum. Ita olim Felix Urgelitanus & Elipandus Toletanus Episcopus, quorum hæresin Novatores nonnulli per calumniam nobis Catholicis affingere audent, à qua tamen sumus remotissimi, firmiter tenentes, Christum nullā ratione vocari posse Filiū DEI adoptivum, ut definitum est in Concilio Francofurtensi, & ab Hadriano Papa. Ratio sumitur ex definitione Adoptionis, quæ à I. P. describitur: *gratuita assumptione Personæ extraneæ in hereditatem.* Atqui Christus non est Persona extranea, sed Filius Naturalis. Ergo &c. Hoc admittunt de Christo, ut Deo, Felix & Elipandus: negant verò de Christo, ut hominœ, rati in Christo duas esse personas juxta hæresin Nestorianam damnataam. Sed ex fide omnes teneant Catholicí, in Christo unicam tantum esse Personam divinam, atque ideo Christum, ut hominem, in sensu Specificativo non esse Filiū DEI Adoptivum.

X XII. Dubitatut tamen, an idem sentiendum de Christo, quā hominē in sensu reduplicativō? Affirmant communiter Theologi, è quibus nonnulli Durandum secus opinantem graviter centent. Ratio est, quod tō Filius Adoptivus dicat negationem unionis realis cum naturali Filiatione, seu quod idem est, dicat Filiū extraneum à naturali. Atqui etiam humanitas non est extranea Divinitati, aut Filiationi naturali (est enim unita realiter ei filiationi, licet non sit identificata.) Ergo Christus non potest esse Filius Adoptionis etiam ratione humanitatis.

X XIII. Porro Christum etiam, quā hominem, esse Filiū DEI naturalem, omnes hodie fatentur Doctores Catholicī; & est extra dubium, si reduplicetur suppositum, ut sensus sit: Christus in quantum est suppositum naturæ huma-

næ, est

næ, est Filius DEI Naturalis, per æternam scil. generationem; cum neque natura illa humana habeat aliud suppositum præter Filium DEI Naturalem: neque illud suppositum ex eo, quod terminet naturam humanam, definat esse Filius DEI Naturalis. Si vero reduplicetur natura, ut sensus sit, Christus secundum naturam humanam est Filius Dei naturalis, ita ut humanitas spectet ad hunc Conceptum Filij, tunc controversum est inter Recentiores, an Christus, quæ homo, dicendum sit Filius DEI naturalis? Negat post nonnullos Card. de Lugo de Incart. D. 31. n. 21. Affirmat cum pluribus alijs Ariaga itid. de Incarnat. D. 45. Sect. 2. Subs. 2. pōens in Christo duas Filiationes naturales; unam æternam ratione æternæ Processionis: alteram temporalem ratione Incarnationis fundatam in unione hypostatica, & de cuius conceptu sit ipsa Humanitas, ita ut concretum ex Humanitate & Personalitate Verbi importet novam istam & temporalem Filiationem. Fundamentum hujus doctrinæ, quam amplectimur, est; quia Christus ut homo est hæres Regni. Ergo & Filius; siquidem hæc duo sunt inseparabiliter connexa; non autem est filius adoptivus, cum non sit extraneus, sed conjunctus Deo. Ergo erit naturalis (quia conjunctio illa seu processio est primarium ac distinguitum filij naturalis ab adoptivo) & quidem respectu totius SS. Trinitatis, quia intuitu hujus est hæres, & ab illa Sanctificatur efficienter, atque eum eadem tota SS. Trinitate saltem mediate conjungitur.

XXIV. Non obstat Concilium Toletanum II. in confessione Fidei, & D. Thomas 3. part. q. 32. art. 3. Nam loquitur tam illud, quam iste solum de ipsa Persona; quæ est unita humanitati, dum ambo afferunt; eam non posse dici filium Spiritus Sancti, aut totius SS. Trinitatis: de humilitate autem seu reduplicatione illa Christi, in quantum homo est, nihil decernunt, sicuti nec Concilium Francofurtense, nec Hadrianus Papa de ijdem reflexionibus quicquam egerunt; sed, ut diximus, solum de ipsa increata persona Verbi: non vero de filiatione ab humanitate proveniente. Dicant nunc Novatores, quid in hac Catholicorum doctrina commune fit cum errore Felicis Urgelitani & Elipandi? & si ostendere nihil possunt, erubescant & omittant calumnias suas.

CONTROVERSIA IX.

AN SPIRITUS SANCTUS SIT verus Deus: Et à Patre Filioque simul procedat?

Spiritus Sanctum esse verum Deum Aequaliter Patri ac Filio, negaverunt ijdem hæretici, qui Christi Divinitatem negare ausi fuerunt. De Ejusdem S. Spiritus Processione acerrima lis saepe fuit, atque etiamnum est inter Ecclesiam Latinam & Græcam. Ut igitur Catholicam doctrinam rite percipiamus, omnemque opinionem non-Sanctam de Sancto Spiritu amo-veamus. Sit

IHS. ☩
∅:o: ☩

PARS PRIOR.

DOCTRINÆ CATHO- LICORUM.

I. **D**octrina prima. Spiritus Sanctus est Verus DEUS. Ita omnes Catholici. Probatur I. ex Sac. Scriptura i. Act. 5. v. 3. hæc habentur: *Dixit autem Petrus: Anania, cur tentavit Satanás cor tuum mentiri te Spiritui Sancto: non es mentitus hominibus, sed Deo.* Ergo Spiritus S. est Deus, ut ex hoc loco D. Athanas. lib. de communī Essentia Divinitatis Patris & Filij ostendit. & D. Gregor. Nazian. orat. 5. de Theol. aliquæ Patres committunt. i. ad Corinth. 3. v. 16. *neficit,* inquit Apostolus, *qua Dei templum estis, & Spiritus Dei habitat in yobis?* Si quis autem templum Dei violaverit, disperdet illum Dominus. *Templum enim Dei Sanctum est, quod vos estis.* Et cap. 6. v. 19. *An neficit quoniam membra vestra Templum sunt Spiritus Sancti qui in nobis est;* & subiungit mox v. 20. *glorificate & portate Deum incorpore vestro, quem Deum?* querit S. August. Epist. 66. nisi Spiritum Sanctum, cuius corpora vestra dixerat esse templum: nec verò ultra creatura in nobis tahquam in templo habitat; *aliоquin dico,* inquit Athan. in Dialog. de Trinit. contra Anomios, ubi tandem in Script. dicatur Propheta vel Apostolus vel in genere homo quispiam templum Angeli vel ultius rei creare? I. Joan. 5. v. 7. *Tres sunt qui testimonium dant in Cœlo, Pater, Verbum, & Spiritus S.* & hi tres Unum sunt. Unde si argui potest: Qui habet unam cædémque Naturam cum Patre & Filio, Deus est. Spiritus S. juxta prædicta verba habet unam cædémque Naturam cum Patre & Filio. Ergo Deus est.

II. Probatur 2. ex communī sensu Cathol. & testimonio PP. qui in primis disertis verbis passim afferunt, Spiritum S. esse Deum æquè ac Patrem & Filium. Deinde plerique illorum integris libris Divinitatem Spiritus S. expresse defendunt, ut Athanas. Basilius; Nazianenus, Cyrillus Alexandrin. Hilarius, August. &c. Deum summam esse impietatem consentent, non credere, Spiritum Sanctum esse Deum, & ijs, qui id non credunt, gravissimis pœnis maledicunt; qui, inquit Athanasius Epist. ad Serapion. *Spiritus S. ad creaturas dehabit, impius est, & sine Deo, & infidelis deterior, & quidvis potius, quam Christianus.* Similia habent Nazianenus, Basilius & alij.

III. Probatur 3. ex eo, quod Spiritui S. adscribantur opera Dei v. g. *creare: psal. 103. v. 30. Sanctificare:* I. ad Corinth. 6. v. 15. *Suscitare à mortuis:* ad Rom. 8. v. 11. *esse ubique Sapient.* I. v. 7. *Justificare:* I. ad Corinth. 6. v. 11. *Gubernare Ecclesiam ex principali quadam potestate, sicut Pater & Filius* Act. 20. v. 28. ibidem cap. 13. v. 2. *rursus cap. 15. v. 28. Distribuere dona Spiritualia in Ecclesia:* I. ad Corinth. 12. v. 11. *deum Sacraenta non conferrentur in Nomine Spiritus Sancti, nisi Deus est,* uti tamen fit v. g. in Baptismo ex iusto Christi Math. ult. v. 19. *Baptizantes eos in Nomine Patris, & Filij, & Spiritus Sancti.*

IV. **D**octrina secunda. Spiritus Sanctus procedit à Patre & Filio simul. Ita quoque Catholici omnes. Et quidem à Patre procedere, ulro admittunt Græci, habeturque Joan. 15. v. 26. *Spiritus, qui à Patre procedit.* Eundem à Filio procedere, licet